

矚翁詩集卷一

長樂教陶孫器之

以入定大士太乙真人像送管晦

叔

真人與大士蘭菊而異芳坐卧得定力銅  
眼鐵脊梁是中有佳趣山海俱茫茫或時  
現神妙塵蹟生恠光云何得此本有僧吳  
下狂飲酒不計斗褚無一絲藏興來高閑  
門落筆如追亡走送矚菴室洗心一爐香

盤陀旃林潤枕籍玉井涼蒙頭披衲古遮  
眼經論長不知幾陵谷睡穩坐不僵居家  
定吉夢二士相迎將辟除寒具油靜垂  
中堂會當同一龕寒泉薦空觴夜窓搖茶  
煙駝褐倚繩床楊枝洒寥寂藜杖輝森芒  
與君六根淨讀書到虞唐

寄福清翅山舅陳夢寔

路歧引人不作長野梅官柳禪風光首山  
音水入詩眼歲月不覺鬚眉蒼請從丈人  
開肺腸身非石人忘故鄉五年江湖枕書  
睡夢垂南雲落翁堂亦知行坐歌白頭池  
南隱几浴鳧雙鰓孤肯復有羈旅石塘破  
寺魂悲涼毛錐不補萬事裂存者各在天  
一方善和里第知幾易遼東城郭空相望  
平生何用酷似舅政以嫫姆輩施壻兒時  
俯頭文章祇今未入崔蔡行三年一書  
願見貸骨肉滿縣愁難當屋頭茶蘼定過  
墻滿窓日色文書香眼前欠甥頗念否我

亦口掛蠓山傍煩將歸意作泉下小待錦  
衣漫俗妝

送林伯農還鹿角山

今我不樂遊四方夙昔已具浮海航十年  
點化鷗心性一生正坐虎文章海山未必  
盡佳處往與蜚子收漁梁夢中了了說吳  
楚山川如掌今年腸讀書南隣索檣榔原  
頭汙邪豚酒香何時攝衣上公堂蛤蜊含  
漿魚尾黃客從南方勤寄將

洗竹簡諸公同賦

舍東修竹密如櫛一日洗淨清風來腕巾  
解帶坐寒碧置觴露飲始此迴平林遠靄  
開圖書西望羣山如過馬詩翁意欲帆影  
外孤村結廬對瀟灑百年奇事笑談成向  
來無此蒼龍聲閒身一笑直錢萬剗粉劓  
青留姓名

用韻謝竹主人陳元仰

熱中穢能令我汗日暮佳人期不來陳郎

揖人不下榻青山白雲喚得迴手開十畝  
蕭郎盡箇裏何妨繫吾馬食單得涼清可  
啜糝褐分陰翠如洒搖金戛石真天成夢  
搗風前茶臼聲一川窈窕荷萬柄野翁得  
此甘辭名

竹間新闢一地可容十客用前韻

刻竹上

竹君得姓起何代渭川鼻祖茲雲來主人  
好事富千埒日報平安知幾回平生好山  
仍好畫意匠經營學盤馬別裁斗地規一  
圍自汲清池行掃洒一杯壽君三徑成請  
君靜聽風來聲醉眠煮得石根爛以次平  
章身與名

謝葉司理徐知縣見貽之什二公  
乞入

書生自是鑽簡蠹淨業還從竹背來新詩  
細字行茂密驚蛇起草盤蛟迴是身故欠  
虎頭畫望山氣如還櫪馬脩然君子六千

人不愛湘靈清淚洒竹林定交業已成北  
窓讀書伊吾聲金魚玉帶不汝却社中未  
厭山王名

一日復一日

一日復一日來如赴海波今晨我無糧未  
卜晡夕過辛苦幸一飽知復有明何平生  
實愚闇慮淺憂則多雀鼠偷太倉田野蜚  
螟蟻至尊尚旰食邊防望投戈我欲瀝血  
訴官府多譴訶進退祇觸藩屈鬱 在羅  
壯心一不遂六龍奄蹉跎所以憂世人散  
髮歸岩阿長生倘可學吾其駐羲娥

放船

柳邊放船試南風揚溪荷花能艷紅一川  
雲錦 不盡我身正在繁香中午天無雲  
青脉脉枕舷哀歌醉脫噴夏將綠葉穿碧  
筒欲臣屈原奴太白風前一笑玉塵橫晴  
蜓側翅潛魚驚騎馬貴人多內熱此歡勿  
語長安城須臾客醉船亦醉信流一抹西

村外翁媪負墻樵牧奔拾薪供茶初不記  
還家鼻息撼四隣閨風接夢疑非真清遊  
何時記三人懼菴與弟拙鄉陳

次韻謝李秘校常州無錫詩人

大雅總目鄮續絃久無人中間翰墨場名  
字俱已堙江山亦何助東海真揚塵戎笑  
李夫子斲無半合陳人書俱兩忘何用語  
逼真作詩來起予欲卜二仲鄰依然送橫  
目袞袞天機新莫欺鬢眉蒼持護應有神  
狗鬚侯舞陽羝角相平津皇天信平分萬  
事各得春但願闕世心孤特凜箭筠日者

鶴飛書江漢起隱淪三物論鄉國六藝程  
成均秋風入帝閑錯落駢駟驎君曾讀詔  
舌却枕方久伸勿驚作詩面酒纈吹微鱗  
唾手洗哀陋一返姚姒純稽古不無力政  
復昌其身它時玉堂夢與問三生因盟我  
良不難欲託孫子親贄君以黃耳附書莫  
辭頻再拜賦斲章水石俱磷磷

此韻字義  
見詩晉揚

之水  
箋

次韻馮孔武雪中簡聞人簿乞炭  
君不見朱門煌煌多近臣  
豹胎煮糜螿爲薪  
庭中盛設潑寒戲炙手欲近還嗔人誰  
知曝背茅簷下欲獻要是山林真兒童  
抑搔皮肉輒日輪過中方欠伸  
懸鷄結駟兩相笑百年俱成一害塵  
先生自是冷官樣要看入火紅麒麟  
捩鬚自作詠雪句秘書早與相如親  
蒲團擁裘結僧坐別有締綌君南鄰  
願迴六龍照后土施與萬國無邊春  
屑瓊鏤玉入肺腑拍手一笑未吾貧

乞炭于馮孔武再用前韻

君不見元光河決愁從臣  
天子有詔皆負薪  
當時質炭知幾畚下與魚鱉爭  
生人孰知水黔善制水火出木盡全其真  
一朝入火縱粉骨曲身得煖  
龍蛇伸成虧等作萬世計肯與胡僧推劫塵  
我欲詼諧與作傳上繼毛穎進獲麟  
日燒崑崙十挺指惜哉

黔也非我親窮 破灶鬱煙燼青唇黑腕  
羞比鄰誰能興致送煖熱坐使有脚歌陽  
春將軍羔酒空作夢十年未有今年貧

### 思古人

思古人思古人古人皦皦若日月我欲剖  
棺斲出古人心惟見蒼苔漫白骨請陳古  
人心君勿駭客言古人惟一真可使風俗  
昏還淳殺雞不及林宗炊黍不候龐公雪  
中安道興適盡坐上公榮尊已空呼酒徑  
勸君欲眠即遣客嵇康巨源不爲絕戴崇  
彭宣本相得徐庶失老母密如玄德不能  
奪之臣嚴陵薄宦情狎如文叔不能止之  
客包胥伍員不失其爲友羊祜陸抗不害  
其爲敵我有蒸壺安事隱語我但食韭安  
用多種割肉元知方朔真拏金豈即劉义  
勇古人心事有如此何至顏色相媚舉道  
衰憐仁義世亂生奸雄君知臧否不掛口  
正慮七首堪其胷我生恐無用我死知無



聞作詩豫與兒輩訣葬時定覓要離墳

### 贈墨工陳伯升

古墨法變今百年雪齋乃能幻神藥杜又  
膚清衛玠神眼明再見老陳作墨如人意  
隨短長用之不盡渠解笑須君筆端馭龍  
蛇他日始信入木妙

僕以紹興壬子中夏二十有五

日始躋風篁討龍井遂至廣福謁

三賢像閱舊碑追觀一代風流

為賦此詩適月林依公留設茗

供因書以遺之他日能為我揭

詩板于壁間使示來者亦山中

之一助也龍井寺有辯才師趙清獻蘓文忠塑像

竒石爛橫道茲山信多姿江湖醜兩股一

泓乃孤危相傳龍所家或恐神護持腥風

轉憲霽陰崖立淋漓惜無緯蕭勇撰此抱

寶癡山僧作屋意慘淡生幽思胡為金繆

影顛倒眩俗兒坐來百念失蒼官導前馳

招提來深登屐痕恍前期咄哉少肉山著  
此高顙師端能致遨頭絕唱相娛嬉過溪  
亦何事相送了不疑渠能縛禪律因來數  
鬚眉我愛秦郎記字壓頭陀碑月林只夜  
夜人物自一時賢愚盡蟻封來者吾得知

佳人佩明月贈俞德章

佳人佩明月笑語含春姿手握幽蘭叢照  
影清漢涓少年冶遊子行樂方及時折苕  
戲相贈玉色頰自持歸來種白璧日溫文  
錦絲加幣欲聘君常恐歲月遲終然不可  
諧翕歛聽所之願言遺薌澤遠慰千里思

六月內喜雨詩

時寓崑山縣東禪寺西齋

炎天亦靳雨特地費雷將隱隱來何久飛  
飛勢稍颺初從霑塊潤忽作建瓴忙穉子  
拋書出矚禪解縛狂苗蒸應秀穎風過忽  
溫涼蛛網掀三面蟲書漫數行衾箱開歲  
事恩澤到詩章怨暑移今昨煩疴覺在止  
青蓮開紺宇白苧舞雕墻隻影還晡暮驚

心重渺茫思惟大火聚迴向六時香旒畧  
時流輩周旋古佛場身纒丈六足舌乃大  
千長此理憑誰語何方更舉揚鼠愁燈岬  
崑鷗睨鐵琅璫生理何聊賴斯文重激昂  
盛時追少壯故步失尋常政爾蓬心夢依  
然貝葉光

再次徐先輩二首

淺聞懲闕漏小學到凡將始制初龍遁流  
風漸鳥颺迄今緝帙富益我手抄忙半世  
有書癖衰年忽酒狂壯懷邀汗漫奇服問  
龐涼身許義皇上名卑崔蔡行知心履幾  
量計水千章湖海堪流滯陳劉畧喪亡  
每思辭北闕直欲老東牆度嶺官憔悴藏  
山計杳茫尚方向日鷓侍女幾時香斂板  
予行役懷鉛子舉場翅垂雖一背腹果自  
三長孰使多爲累還成少不揚忽驚投暗  
壁曾是獻明璫閱世肱三折論文首一昂  
結歡慙季札抗對敢元常它日聯詩社前

羞李杜光

身是韓康伯名慙許子將居然屯澤 何  
得巽風颺憶昔求詩甚端成刻燭忙出喉  
真自若舞手或成狂楊柳偏歌雨蒲萄肯  
博涼羣兒哀齒舊諸武讓顏行禹穴魚龍  
陳天門虎豹章陰符空獨佩秘論未應亾  
自築揚雄宅誰窺宋玉墻鄉英殊落落俗  
物自茫茫被厲三精劍寧神百蘊香諾交  
卯復社取醉莫論場高節看徐穉妍詞伏  
仲長泥蟠雖汨汰韞掣會飛揚列屋多齋  
趙華榭間壁璫從渠誇富艷試與校低昂  
丘喙徒三尺公才可百常素交風雨盡雪  
涕魯靈光

畢叔茲可掃園賞牡丹

衣冠塞繁都茂苑非夙昔雙鋪俯行渠文  
簡相公宅是家固多賢滿篋載春秋中有  
數畝園頗復修風流新亭著高穩佳木行  
清幽客來必置醴井蛙挾其身張燈看落

花意作長門愁小 得一欣凍壁纏蛟虬  
先朝補天手翰墨皆其遊再拜閱帝書局  
促虞褚歐平生寔好奇兩武布九州恍然  
駕閨風坐我曲池頭竹間是茶煙松風助  
興饑梅食亦登盤按行感良儔櫪馬喧午  
枕土毛擷晨羞似聞墻東偏萬指 鋤耬  
行當賣書籍買鄰託羊求與公行灌園第  
一營爪疇 身當作軒  
是當作趨

四月二十三日始設酒禁試東坡

羹一椀其味甚真覺麩藥中殊  
無寸功也食已得三詩

今日忽感悟閉門謝麩生未危却二豎不  
戰仇三彭培擊北海樽齎量東坡羹尚恨  
薄滋味未能免虧成我欲嚙元和默坐朝  
上京坐待梨棗熟小試昇天行

評詩要平淡此語吾不然大千自有舌何  
用長短篇謂是天送句端正落我前旋聞  
口吻鳴顛益心腸煎少陵睨句佳欲以一

死指是中有其意靖節差獨賢

去夏苦多雨勢若無炎官今晨迫重午香

黍仍膠去聲樂天機杳難測人言亦多端祇

今原田上立苗未妨寒但願含穎時借日

開迷漫螻蛄爾何知煦煦啼夜闌



矚翁詩集卷二

長樂教陶孫器之

改周晉仙贈丁相士之什

張顛許我以神仙薛顛謂予可英傑丁生  
謂二俱無成世間那得此奇崛麒麟閣上  
森貂蟬龍虎鼎內飛大丹腰錢跨鶴誰不  
願只有圯下先吾鞭何如吳淞江上住門  
橫釣車屋農具卧看蒼天擾白雲正午堂  
堂拔江去

奉寄旌德尉劉甲之

諸劉兄弟賢一一無可選竹林銳頭郎風  
味吾小阮平生天機深善閑得內捷邇來  
卿何曹不辨折腰本稍傳詩語東朝日照  
蘭畹伊余戰紛華心旆凡幾偃劃逢君家  
語雋永初一嚮識遺飽新得友勝悟夙損  
緬懷歌商地蕭瑟松礪遠陰陰蕪菁花碧  
蝶相與晚是中着高士物意自偃蹇向來  
白衣宰雲壑論補袞優游濟艱難如以禹  
代繇劉郎秀眉宇秋隼立高巘端能謝師  
匠萬卷自鋤壑時須閱世諦一及城門鍵  
功名頭上簪日月風中憶何時會吳下春  
動長洲苑

送王郎洽

車輪何由芳草色欲無路晴川媚雙燕及  
此送將去若人天機深竒服雅自與色溫  
無可鋤妙語時一吐相逢大江上爲我浣  
塵土後期豈前料已作千歲語告歸何草



草雙水溪霧雨稍聞父老舊門戶要渠補  
祇愁模楷地與世作誇詡寧當去樓梯閉  
置吾叔度

翼翼吳齊門大江流日夜別君雖咫尺即  
是展牛馬君才何如我我拙猶肯借淮人  
買繡絲一洲市如赭張皇十日飲著公喬  
松下畫工亦豈學愛玩此繁者人情勿苦  
拒輿馬幸整暇向來三宿戀取別萬里駕  
想當雙玉瓶酣歌淚盈把縹緲鴻鵠去吾  
甘老原壑

次韻張長公寵賜初度致禱之語

何人著書補獲麟竹汗未乾頭已星天上  
風流張公子散髮滄浪歌獨醒威名徧滿  
淮草木肯借妙語春冥靈臞翁之腹無三  
壬平生貯書纔一丁泥塗斲道學龜曳雲  
天發眼慙鸞停亦知封侯下曹掾寧與阿  
高寧馨夢從諸兒坐家塾十年燈火寒  
青熒分無黃色明天庭獨倚一片藏無形

虞翻骨相當自程曲江風度乃不名

上闕即范石湖五首

人物于今正渺然欲從江表訪先賢邇來  
耆舊無新語誰使文章漫兩川利器早能  
誇穎脫偏師聊復制中權騷人有幾登青  
竹耐可同時久執鞭

今代論文夏是非賞音誰復得牙夔直從  
長慶成編日俊到先生晚歲詩萬馬蕭蕭  
閑律令孤峯隱隱出旌旗了知長短三千  
首收拾遺篇即戒師

丁年口真奇事一代詩鳴不救貧大手  
欲推活水頌羣酋曾折石湖巾乃今謝傳  
還初志其奈王陽是故人獨有吾闕欠公  
句詔書果起釣磻濱

此行闕嶠吾能數行盡天南未了青莫倚  
看山韜墨本要須入界挾圖經西湖楊柳  
雲生鏡東阜荔支錦作屏欲託翁冰烏石  
篆諸公作屋與新銘

早知吳下多奇士身許先生嫡子行他日  
畧容追李杜斯文何敢望班揚向來流水  
孤三奏此去飛霞乞一翔牛鐸調宮吾豈  
敢噓濡萬一借聲光

代人壽度支郎李嘉言

李下老人龍作儔談經閱世無春秋一朝  
函谷占紫氣萬里西極行青牛青蓮居士  
亦其裔太白淪精來謁帝江東狂客漏神  
機一號謫仙人得制天人驚世時一班文  
采風流有遠孫百篇斗酒真細事郡有德  
政朝功言晉陵坐嘯列城一札細書風  
九土爲郎不用漢山錢度支事繁通會府  
向來供億寬艱虞祇今笏畫通材須裕農  
足國端有道判花視草皆夷途金魚玉帶  
公所有大夫人高松柏壽綠衣板輿堪作  
圖勳勳閩州陳後人見盛事省稀王  
母一笑攘桃兒花明柳暗白日靜鶯穿燕  
颺青春遲請君酌此西湖水萬歲千秋佐

天子清明寒食數日間謹勿拋擲爲佳耳

登蘓臺用袁憲韻贈兩趙提幹

汝積初闈

勝賞多從暇日違眼中朋友欲星稀退休  
不復思三顧能賦猶堪廣七遊鹿臺前  
空逝水樓烏曲裏只斜暉書生懷古真癡  
絕看盡闕雲入棟飛

次韻萍鄉文叔章訪別

力田望逢年倚市勝刺繡十年丘里語失  
火要自召行半天下何處得耆舊請從  
老龐說龍鳳相赴湊全家隱鹿門遺安不  
求富常時拜床下大鐘盡徐扣男兒惟一  
身用在百歲後譬如營屋室宗廟先庫廡  
不聞買山隱而有居巷陋君看鐘鼎家梁  
肉或墨瘦寧爲賣文活一經老學究出身  
即九折時命乃大謬向來尸裘革口語困  
逗遛居然齒編貝月粟供賃儻何知山澗  
底鹿逐對飯糗文章忌隨人謹勿誇客右  
書林無淺植筆耒有深耨紛紛青紫擢後

進渠領袖結交兩任時設客一陰就卑官  
慚處贈俚語致公壽

高郵因師蒲萄蘆雁秋瓜三種

漢家士馬知多少晚得蒲萄繞院栽何物  
交郎能伎倆龍鬚馬乳應時來

蒲萄

莫話淒涼塞北秋銜蘆避弋使人愁與君  
細展江南話水宿沙眠得自由

蘆雁

子母鈎牽曉露專行人唱暑慰艱難青門  
種色今餘箇莫作黃臺秋盡音

秋瓜

用香字遺李恭叔

我無令君三日香瘦鶴爲軀龜作腸薄寒  
中人曳兩縱獨吟倚那遺我將憶從兩脚  
萬里回政坐羣兒相誇傷竭來一見老柱  
史城郭落落歸靈光安得與君壽六龍揆  
借千歲北斗漿却乘斑虬訪月窟盡斫惡  
樹無留藏天風泠泠吹佩環洞視碧落豁  
四旁下方應奉正三入闕置可憐青瑣窓

再用晨吐字韻寄潘德久

舍人賓日姿起居庭燎晨豈唯瑞朝廷薦  
紳目多聞麗如田甲嘲死灰果不然那知  
碩果剝中有一念仁稽古得微酬榻具哉  
進賢琴爲悲風彈茶必活水煎平生轉菴  
詩小當壽千年忽聞朔方騷叟欲腰黃閭  
向來撲朔豪日者今華顛下客時覘君車  
茵陽醉吐萬事今不理傳聲拒開戶雖然  
臭味合叟覺心貌古書讎嶧山棗羹矐首  
陽苦坐令府西門平輿讐說二許君當我  
輿臺銀艾心已灰尚有西山緣共待石髓  
開神仙覺易與詩句端難裁却後五百年  
化鶴吾獨來

酬答李學長

梅門縣有三忠堂陳了翁任伯雨龔夫兩

簿解負壻甚通

夫子焉不學高朕羅三賢橫前一片石教  
外皆別傳三虎誰最怒未覺相後先渠伊  
囊中方貴在後者鞭我家一佛堂盜背知  
廟堧憶昨祠上丁蕢燭初欲然諸生氣清

明人如出雲泉洗爵俯象鼻掩豆高豚肩  
朱絃張文王繁燈斥師延此時識方履綦  
滿青苔錢李公獨鳳儀衆中得何堅惜無  
補天手轉之上細檀朝來食盤中樛蔽初  
數拳蒼蒼本難測何由曠真筌自我得此  
士可以一當千如聞蓬掖姿欲重世所捐  
春容握吐法冊春秋全酬贈無玉案三  
復緇衣篇

大風懷林伯農

江湖易高風六月寒瘁瘁中宵會急雨涼  
意到衾枕顛披蒲葦亂柳壓烏鳥噤承頭  
欲生耳樹背各流瀋不謂哺來霞紅拖半  
天錦初疑鴉翻晴旋覺虹投飲晦明信難  
料暘霽吾誰諗所思隔江水筆力望徐沈  
十年一葛衣肘見尚整衽想當風雨夕憂  
國願歲稔淒涼新豈卽避濕幾違寢何由  
語連牀共破秋氣凜

醉歌贈鄒忠孝

老鄒草檄如吹律能令陰谷回陽春手提  
赤心獻天子布衫麻鞋驚市人戈船上噓  
五里霧詔發內府捐金銀進賢冠者不好  
武歸來結屋有濤雲却回孤憤與江浪氣  
壑千人萬人將或時飲就夷門屠亦有鼓  
摻漁陽唱埋名袖手君得醉行宮今在江  
之湄高帝遊魂正思沛太王有道聊居岐  
一杯屬君當起舞能令公喜能令怒捽摩  
青山關兩虎搜攬中流鴉鷺語平生未受  
噲等伍圖中褒鄂爾如許六十小劫胡運  
去老上單于公手取

次韻張宰牡丹

羯鼓勿罷弄吾琴無成虧潘桃既無賴陶  
柳自不持造物有鑪錘攬之杜拾遺捲簾  
出傾城一笑不用惟輸心巧當面珍重來  
如期人爲曲江秀花自潛溪移美人欲晞  
紅鏡中覩東施如聞姚魏風紅紫合折枝  
常恐呀光帽半倒金屈卮作詩苦留春出



吻竟不奇但當闚幽閔屬賦歌載馳慙慙  
禪靈錦丈尺餘丘遲公杯當再行雉邊多  
小兒

上參政四十韻 乙亥

吾闔天下選人傑聖時蕃佐 高前牒承  
家裕後昆海門當劍立洋嶼焱鵬鷺氣色  
來迴互耆朋有討論蟠胃三萬卷落筆五  
千言地芥垂頭拾天瓢信手翻餘陰潤桑  
梓賸馥到蘭蓀白日麒麟坂青春桃李園  
揚鬢方澤國插羽已天閣伊昔昌能諫于  
今弘獨尊夙驚山有虎已駭鹿隨轡香帶  
書籤麗金華講舌溫履聲仍獨上驛置愈  
爭奔有客迷途甚勞公倒屣煩請先陳失  
馬次第及投猿漳水頭堪白融峯淚幾吞  
敬歎辭故里觚角見修門到遮吳蠶宿留  
交楚雁番忽通狂客刺俄返獨遊魂望祿  
蒲生節隨人柳折樊天高難發口地宿會  
移跟一昨哄堂暇溪知納牖恩印剗聊小

靳縑束夏能存日者叨堂貼時哉會氣元  
敢言矜駸襲復自如嬋媛末學應須授羣  
經刺欲繙恐因鱣發發復作兔爰爰光範  
寬無閼階符紫有垣極知專造化稍許展  
寒暄國論圖南紀邊防議北轅未將燕火  
畀忍使彗旗燔天步曾留躅皇心重改幡  
房非久祀藥籠會溪掀豆棧能忘秣樗  
材倘入掄畧容偷廩稍重議洗乾坤舉邑  
多信犬溪心寓祝純老身難矍鑠疾眼久  
眇合浦珠無脛豐城劍有痕事多慚蹇  
叔議敢及臧孫餘日知安在南村定北村

體齋詩為梁谿馮季求作

口腹不自主來吟體齋詩三宿齋中人問  
體安措辭體半語近拘體高語近欺耳目  
口鼻形人各師其師要之天地間當以一  
理推馮侯好兄弟一一清廟姿是家好談  
道脫略毛與皮一堂春悄悄詩禮相娛嬉  
但媿遠客塵泥子連理枝雖然參訣要

之不磷緇我車得國工分路有險夷君知  
魯叟聖妙在物不遺當其作春秋一字如  
權錘越竟惜趙盾斷謂此語非俗儒無已  
心望道如隔紙開門畫圓方用世多參差  
千載堪一咤汝足未及巖馮郎顧我笑坐  
久爐煙遲黃花聚墻東青山轉墻西吾言  
亦已費須君浮一卮

予客崑山得薦嚴長老時道人散  
朗闕遠不交人事心甚敬之今  
來海上復得悟公老成踈練能  
言吳中山水人物甚詳東軒種  
竹如雲不問其人可知也一日  
忽起故山之想予語悟公野田  
荒草在處愁人心目安得復作  
瀉山之牛乎因作一詩言君子  
出處之大致以告不知者

平生庾公塵可浣通州泥竭來海門上日  
瘦氣慘淒春風有相導佚我以闌闔前身

定聞法夢作三生尼悟公癡鈍禪迎客忽  
虎溪招要得半席紙帳春繒緋東軒養蒼  
雲太似開昔迷計程南山北托宿東院西  
絕憐維摩牀而置法喜妻是身于虛空了  
不礙角圭四大師本無客亦何所攜頗聞  
弁山隅髯松作兒啼山神唱連聲已受三  
十篋豈知瀉山牛未脫耜與犁去來同一  
雲未覺道理睽幸勿使竹 留與老鳳棲  
鑿齒恐無對後期當噬臍

詩評

因暇日與弟姪輩評古今諸名人詩魏武  
帝如幽燕老将氣韻沉雄曹子建如三河  
少年風流自賞鮑明遠如飢鷹獨出奇矯  
無前謝康樂如東海揚帆風日流麗陶彭  
澤如絳雲在霄舒卷自如王右丞如秋水  
芙蓉倚風自笑韋蘓州如園客獨繭暗合  
音徽益浩然如洞庭始波木葉微脫牡牧  
之如銅丸走坂駿馬注坡白樂天如山東

父老訓課農桑言言皆實元微之如李龜  
年說天寶遺事貌悴而神不傷劉夢得如  
鏤冰雕瓊流光自照李太白如劉安雞犬  
遺響白雲數其歸存恍無定處韓退之如  
囊沙背水惟韓信獨能李長吉如武帝食  
露藥無補多德孟東野如埋泉斷劍卧壑  
寒松張籍如優工行鄉飲醕獻秩如時有  
詼氣柳子厚如高秋獨眺霽晚孤吹李義  
山如百寶流蘓千絲鐵網綺密瓌妍要非  
適用

本朝蘓東坡如屈注天潢倒連滄海變眩  
百恠終歸雄渾歐公如四瑚八璉止可施  
之宗廟荆公如節艾緹兵入蜀要以險絕  
爲功山谷如陶弘景不詔入宮析理談玄  
而松風之夢故在梅聖俞如關河放溜瞬  
息無聲秦少游如時女步春終傷婉弱後  
山如九皋獨唳溪林孤芳冲寂自妍不求  
識賞韓子蒼如梨園按樂排比得倫呂居

仁如散聖安禪自能竒逸其他作者未易  
殫陳獨唐杜工部如周公制作後世莫能  
擬議

此評子姪得之爲多外自寫兩紙其  
一以遺莆陽劉潛夫其一以遺同舍  
朱仁叔二公皆知詩者且其語疊疊  
逼人故爲之書嘉定八年夏至後二  
日長樂教陶孫

